

**QORAQALPOG'ISTON
RESPUBLIKASI
VAZIRLAR KENGASHINING
QARORI**



**QARAQALPAQSTAN
RESPUBLIKASI
MINISTRLER KENESININ
QARARI**

2023 - yil 12 - dekabr

446-13-0-Q/23

Qoraqalpog'iston Respublikasi
Vazirlar Kengashi

**2023-yil 11-dekabr kuni Sho'manoy tumani, "Birleshik" OFY hududida
joylashgan raqamsiz uyda sodir bo'lgan favqulodda hodisaning sabablarini
tekshirish komissiyasi tarkibini tasdiqlash to'g'risida**

Qoraqalpog'iston Respublikasining "Qoraqalpog'iston Respublikasi Vazirlar Kengashi to'g'risida"gi Qonunining 20-moddasi va O'zbekiston Respublikasi Vazirlar Mahkamasining 2021-yil 11-fevraldagi "Gazdan turmushda foydalanishda sodir bo'ladigan baxtsiz hodisalarni tekshirish hamda hisobga olish tartibi to'g'risidagi nizomni tasdiqlash haqida"gi 64-sonli qaroriga muvofiq, Qoraqalpog'iston Respublikasi Vazirlar Kengashi **qaror qiladi**:

1. O'zbekiston Respublikasi Vazirlar Mahkamasining 2021-yil 11-fevraldagi "Gazdan turmushda foydalanishda sodir bo'ladigan baxtsiz hodisalarni tekshirish hamda hisobga olish tartibi to'g'risidagi nizomni tasdiqlash haqida"gi 64-sonli qarori 2-bandiga muvofiq Sho'manoy tumani, "Birleshik" OFY hududida joylashgan uyda sodir bo'lgan favqulodda hodisaning sabablarini tekshirish komissiyasi tarkibi ilovaga muvofiq tasdiqlansin.

2. Komissiya (Dauletiyarov):

Komissiya ishini Vazirlar Mahkamasining 2021-yil 11-fevraldagi 64-sonli qarori bilan tasdiqlangan "Gazdan turmushda foydalanishda sodir bo'ladigan baxtsiz hodisalarni tekshirish hamda hisobga olish tartibi to'g'risida"gi Nizomi talablariga qat'iy rioya qilgan holda tashkil etsin;

Baxtsiz hodisa va uning kelib chiqish sabablarini aniqlash hamda kelgusida shu kabi baxtsiz hodisa takrorlanmasligi uchun mutaxassislar bilan birgalikda tegishli mutasaddi tashkilotlar tomonidan bajarilishi lozim bo'lgan asoslangan taklif va chora-tadbirlarni ishlab chiqsin;

Buning uchun komissiya tomonidan baxtsiz hodisa sodir bo'lgan joyning holati uning barcha a'zolari ishtirokida joyiga chiqqan holda ko'zdan kechirish yo'li bilan o'rganilsin va tegishli dalolatnoma rasmiylashtirilishini ta'minlasin;

Komissiya tomonidan baxtsiz hodisa sodir bo‘lgan joyni ko‘zdan kechirish jarayonida quyidagilarga alohida e‘tibor qaratsin:

a) baxtsiz hodisa sodir bo‘lgan joyning holati bo‘yicha barcha o‘zgarishlarni qayd etish;

b) gazdan foydalanish uskuna va jihozlarning turi, rusumi, markasi, ularning joylashuv o‘rni va texnik holatini aniqlash;

v) dudburon va shamollatish kanallarining loyiha hujjatlariga, belgilangan norma va qoidalarga muvofiqligini aniqlash;

g) tegishli obyektlarda bajariladigan ishlar va tadbirlarni amalga oshirish jarayonida baxtsiz hodisa kelib chiqishiga sabab bo‘lishi ehtimoli bo‘lgan ishlar va tadbirlar turini aniqlash;

d) jismoniy shaxslar, shu jumladan, mansabdor shaxslarning ish jarayonida baxtsiz hodisa kelib chiqishiga sabab bo‘lgan harakati (harakatsizligi)ni aniqlash;

e) baxtsiz hodisa guvohlaridan tushuntirish xatlarini olish;

j) baxtsiz hodisa sodir bo‘lishiga olib kelgan aniq normativ-huquqiy hujjatlar va texnik jihatdan tartibga solish sohasidagi normativ hujjatlar talablariga rioya etilmaganlik holatlarini aniqlash.

3. Sho‘manoy tumani hokimligi (Yangibaev) “Hududgaz Qoraqalpog‘iston” GTF (Aymanov) Komissiya talabiga binoan quyidagilarni:

baxtsiz hodisa kelib chiqishi sabablarini aniqlash uchun ekspertlar yoki mutaxassislarni jalb etish;

baxtsiz hodisa oqibatida talafot ko‘rgan obyekt fotosuratini olish, baxtsiz hodisa sodir bo‘lgan joyning printsipial chizmasi yoki eskizini tayyorlash;

baxtsiz hodisa bo‘yicha tekshirish o‘tkazish uchun zarur bo‘lgan transport va aloqa vositalari, maxsus kiyim, maxsus poyabzal va boshqa shaxsiy himoya vositalarini yetkazib berish;

komissiya a‘zolarining ish faoliyati uchun zarur bo‘lgan kompyuter texnikasi bilan jihozlangan alohida xona ajratib berish;

baxtsiz hodisani tekshirish materiallari zarur miqdorlarda nusxalari ko‘paytirib berilishini ta‘minlasin.

4. Qurilish va uy-joy kommunal xo‘jaligi vazirligi (Qurbanbaev), «Hududgaz Qoraqalpog‘iston» GTF (Aymanov) “O‘zenergoinspektsiya” Qoraqalpog‘iston

Respublikasi boshqarmasi (Sabirov):

turar joylar, shu jumladan ko‘p kvartirali uylardagi jismoniy shaxslar tomonidan gazdan foydalanishda belgilangan xavfsizlik qoidalariga rioya etilishi holatlarini o‘z vakolatlari doirasida tizimli o‘rganish hamda aniqlangan muammo va nosozliklarni bartaraf etish choralarini ko‘rsin;

turar joylar, shu jumladan ko‘p kvartirali uylarda maishiy ehtiyoj uchun tabiiy va suyultirilgan uglevodorod gazidan foydalanishda aholi xonadonlarining ichki gaz tarmoqlari hamda gazdan foydalanish uskunasi va jihozlarini belgilangan muddatlarda texnik taftishdan o‘tkazilishini hamda ularga profilaktika xizmati ko‘rsatilishini ta‘minlasin.

5. Favqulodda vaziyatlar boshqarmasi (Davletov) “Hududgaz Qoraqalpog‘iston” GTF (Aymanov) Nukus shahar va tumanlar hokimliklari bilan birgalikda ommaviy axborot vositalari orqali maishiy ehtiyojlar uchun gaz uskunalaridan to‘g‘ri va xavfsiz foydalanish bo‘yicha maxsus teleko‘rsatuvlar, radioeshittirishlar va davra suhbatlarini doimiy asosda uyushtirilishini ta‘minlasin.

6. Mazkur qaror ijrosini nazorat qilish Qoraqalpog‘iston Respublikasi Vazirlar Kengashi Raisining o‘rinbosari Sh.Dauletiyarov zimmasiga yuklatilsin.

**Qoraqalpog‘iston
Respublikasi Vazirlar
Kengashi Raisi**



F. Ermanov

Qoraqalpog‘iston Respublikasi
Vazirlar Kengashining
2023-yil 12-dekabrda
446-13-0-Q/23-son qaroriga
1-ilova

**Sho‘manoy tumani “Birleshik” OFY hududida joylashgan
uyda sodir bo‘lgan favqulodda hodisaning sabablarini tekshirish komissiyasi**

TARKIBI

№	F.I.Sh	Lavozimi
1.	Sh.Dauletiyarov	Qoraqalpog‘iston Respublikasi Vazirlar Kengashi Raisining o‘rinbosari, komissiya raisi
2.	A.Davletov	Qoraqalpog‘iston Respublikasi Favqulodda vaziyatlar boshqarmasi boshlig‘i, komissiya raisining o‘rinbosari
Komissiya a‘zolari		
3.	X.Aymanov	«Hududgaz Qoraqalpog‘iston» GTF direktori
4	A.Nurimbetov	“Elektr tarmoqlari hududiy korxonasi” AJ direktori
5.	I.Orazbaev	Tog‘-kon, geologiya va sanoat xavfsizligini nazorat qilish inspeksiyasi Shimoliy mintaqaviy boshqarmasi boshlig‘i
6.	A.Qurbanbaev	Qoraqalpog‘iston Respublikasi Qurilish va uy-joy kommunal xo‘jaligi vaziri
7.	U.Sabirov	“O‘zenergoinspeksiya” Qoraqalpog‘iston Respublikasi boshqarmasi boshlig‘i
8.	B.Madaminov	Qurilish sohasidagi hududiy nazorat inspeksiyasi boshlig‘i
9.	I.Utegenov	Qoraqalpog‘iston Respublikasi Favqulodda vaziyatlar boshqarmasi bo‘lim boshlig‘i, komissiya kotibi

Izoh: Komissiya tarkibiga tegishli vazirlik, idora va tashkilotlardan qo‘shimcha mutaxassislar jalb etilishi mumkin.